

畿輔通志卷一百四十六

略一百一 金石九 正定府三 元氏下 贊皇 晉州 藁城 新樂 無極

元氏縣

前燕

主簿程疵家題名

白石神君碑後有燕元璽三年題名元璽慕容儁號 金石文字 記

後贅燕元璽二年正月十日主簿程大守門傳白石將軍教立祠今為火所燒文義既乖謬字亦不類 金石續錄

魏晉以後隸法日壞此慕容時所刻猶能整齊如此不得不歎為司隸衣冠矣 金石存

前燕元璽甲寅之歲上距碑之立已百七十年而小隸之

筆未必出於文人鉅卿乃能遒勁如此是可寶已

兩漢金石記

白石神君碑云兼將軍之號秉斧鉞之威燕元璽三年刻字亦稱白石神君山川之神其有封號當漢季已如是而

世儒謂沿於唐代非其失檢也歟

授堂金石跋

元璽三年題字書惡而語尤怪

趙紹祖金石跋

教下一字泐今皆釋爲吾字細玩似神字

金石索

疵下一字兩漢金石記作守今據拓本辨之實是冢字晉

書載記慕容儁襲位四年冉閔得傳國璽以獻遂僭卽帝

位改元元璽三年卽晉穆帝永和十年甲寅之歲也

常山貞石

志

八分書燕元璽三年在白石神君碑後

金石分域編

謹案授堂金石跋云燕刻石亦稱白石神君神君二字

當作將軍蓋刻時誤也又以將軍爲漢季之封號殊非
三公無極與此碑皆載奏章索法食及詔聽之事不聞
有將軍之封使有之豈容不書耶自是當時俚巫私鑿
如九山廟碑之稱府君穀坑神祠碑之稱御史大夫將
軍牧伯之類又案雋詐云閔妻得璽以獻常山貞石志
作冉閔誤又案金石續錄作元璽二年亦誤

東魏

凝禪寺三級浮圖頌

造浮圖題名

無書撰人姓名上截刻頌下截刻銜名及兩側碑陰并正
書篆額後書大魏元象二年歲在申二月乙未朔口口五
日巳酉造刊俱訖今在縣北白婁村案魏書孝靜紀是年

已未來歲乃庚申碑云歲在申誤又案通鑑目錄是年正月乙卯朔三月甲寅朔則二月朔當是乙酉碑云乙未亦誤碑爲元氏縣趙融率道俗造三級浮圖成其鄉人中兵參軍鄭鑒同邑義記事所立稱融遠祖某漢司徒公征東將軍都督內外諸軍事案四征將軍置於漢魏之間漢獻帝初平三年以馬騰爲征東將軍是也都督內外諸軍事漢亦未有其名始於魏黃初中魏志曹真傳以真都督中外諸軍事則融之遠祖疑爲劉元海父子之司徒晉書載記元海卽帝位改元永鳳以劉歡樂爲大司徒通鑑永嘉二年漢都督中外諸軍事右賢王宣卒宣卽劉宣也據此知元海時固有司徒及都督中外諸軍事之官矣下截題名五百有九人中如璽姓榆小姓均不載姓氏書玉篇璽

俗鰲字諸人自薛安民外皆不見史傳安民附見其曾祖
野脂傳云忱字安民叙所厯之官正與碑合又有安戲令
深翟令魏志定州中山郡有安喜縣博陵郡有深澤縣喜
戲澤翟聲近通假又引楚辭朝飲作鼃飲墜露作泆露矯
菌桂作矯筍桂紉蕙作紉蕙案鼃朝古通鼃乃鼃之譌體
矯與矯通紉卽紉之別體

常山貞
石志

正書篆額元象三年下截刻銜名

金石分
域編

碑陰題名

可辨者前五行正書右方上截有字難辨

常山貞
石志

正書比邱等名俱漫滅額鐫佛象

金石分
域編

碑陰側題名

二十列行數不等正書

常山貞
石志

正書左側刻人名三行

金石分域編

北齊

定州刺史賈念碑

在元氏縣界見寶刻叢編引訪碑錄

京畿金石考

功曹李琮墓誌銘

正書武平五年正月十二日立今在南張村義學內叙次

三世所歷之官皆言某州史君即使君之假字漢書霍光

傳使樂成小家子師古曰使者其姓也或作史史使通用

志云郡將酈伯偉召爲功曹後魏酈範傳云範第四子道

慎慎子中字伯偉志云瓌兒適廣平段德諧諧父平原王

案北齊封平原王惟段韶及懿父子二人韶第三子德舉

第四子德衡第七子德堪第五第六子不舉其名德諧當

卽韶子又六子適渤海高世才才父南安王當卽高思好
之子師本浩氏子上洛王思宗養以爲子事蹟具北齊書

思宗傳

常山貞
石志

誌石側

左側有字

金石分
域編

北周

開化寺東柱礎題名

正書無年月今在開化寺後殿東階列銜有郡中正行臺

郎中中兵參軍案隨避太祖嫌名凡職官地名有中字者

皆改易之又有趙州城局參軍考殷州之改趙州在高齊

時則此刻之非後魏及隋時物固不待言又有恒州軍主

案常山郡之置恒州在周武帝宣政元年高齊時亦有恒

州一名北恒州卽今之山西大同府惟依例將軍厯代官制皆無此稱周書武帝紀建德五年平并州大赦詔高緯及王公以下咸許自新諸亡入僞朝亦從寬宥官榮次序依例無失列銜稱依例將軍疑其本是齊官降周依例復授故有依例之稱則爲後周時物無疑

常山貞石志

開化寺西柱礎題名

正書無年月今在開化寺後殿西階書體石質形製大小與前同當是同時所造

常山貞石志

唐

凝禪寺碑右側題名

右碑右側上截中間唐人題名二行正書磨滅尤甚案通鑑目錄辛亥爲永徽二年正月乙未朔則年上當是二字

月上當是正字

常山貞石志

碑右側刻大唐永徽二年歲次辛亥正月以下漫滅

金石分域

編

信法寺彌陀象碑

正書顯慶三年直隸元氏

寰宇訪碑錄

篆額有碑陰及左右側並正書顯慶三年四月八日立今在縣治東北雲起寺無書碑人姓名撰文者爲前縣丞鄭萬英題額右旁有正書一行云大象主雲口尉李令撫任州市丞唐大典上州有市令一人從九品上丞一人中下州市令丞各一人唐會要垂拱三年二月上州置市令案此碑立於顯慶三年已有州市丞之官知會要言不足據碑爲元氏縣一百人等應募從征高麗事平還鄉申願造

象而立

常山貞石志

碑陰

碑左側

碑右側

皆正書

常山貞石志

開業寺李公之碑

李尙一撰蘇文舉書開業寺者後魏司徒李裔所立謂之

隱覺寺周廢佛以寺賜裔孫祖元隋初復立爲寺唐貞觀

中賜名開業碑以開耀二年二月立在元氏縣

集古錄目

蘇文舉開業寺碑李尙一撰開耀二年二月立真定存

寶刻

類編

今在元氏縣封龍山西吳村

金石文
字記

案此碑標題年月日李公碑標題之有年月創見此碑次
二行曰李尙一篡武功蘇文舉書纂有纂撰二音義亦相
通漢書藝文志書之所起遠矣至孔子纂焉然用以代製
文則他碑未見

謹案信法寺真容碑亦云李口襲纂昶蓋未之見耳

纂者不書里貫

蓋尙一卽李公之族五世孫也碑云開業寺者後魏李公
捨山第之所立也公諱裔字微伯趙郡元氏人云云魏書
李裔附李順傳順趙郡平棘人蓋同郡而異縣也碑云其
地前臨漳水却負常山漢書地理志清漳濁漳至交漳口
合而爲一又自廣宗縣北行至趙州甯晉縣會滏陽河抵
冀州入滹沱常山卽恒山漢高祖分鉅鹿郡置恒山郡因
山爲名避文帝諱改曰常山壬午歲二月癸未改元永嘉
是月乙丑朔改元在十九日而立碑在八日故仍稱開耀

二年金石萃編

正書飛白隸額有碑陰開耀二年二月八日立今在吳村

萃編爲李尙一纂蘇文舉書在次二行今以石本校之卽

在第一行標題之下尙一見兩唐書李乂傳及新書宰相

世系表趙郡李氏西祖房表載後魏趙郡太守延北史李孝伯傳

作三子建連龜北史孝伯傳誕四子建追確龜無連裔爲龜之孫尙一乃連

之後父大智新政合生子三尙一尙貞博州刺史乂字尙

真中山貞公碑爲裔元孫崇哲所立據碑尙一爲崇哲從

姪世系表不載緯弟俊俊子崇哲名而以尙一兄弟爲緯

之姪誤舊書李乂傳乂本名尙真新書字尙真趙州房子人少

孤與兄尙一尙貞俱以文章見稱尙一清源尉早卒尙貞

官至博州刺史兄弟同爲一集號曰李氏花萼集總二十

卷元和郡縣志恒州元氏縣有開業寺在縣西北十五里
今寺在縣城西二十里吳村又北史裔傳稱裔子子旦弟
子雄魏書本傳稱裔子子直襲爵而無子旦名直字當卽
旦字之誤子雄北史隋書皆有傳隋書作李雄蓋因別有
李子雄同楊元感反被誅故此去子字以別之也新唐書
宰相世系表亦無子旦碑云公第五子子雄知裔不止二
子史皆失載又碑稱公嫡孫襲固安伯祖元祖元第二子
維摩武德中趙定二州別駕史并無名

常山貞
石志

謹案金石錄目第七百二十九唐開業寺李公碑上第
七百三十唐開業寺李公碑下卽此碑以碑巨故分卷
也

沙門曇朗造象題名

開業寺碑陰上截畫象六題名七行正書

常山貞石志

碑陰沙門曇朗造象

金石分域編

八都壇神君實錄

撰人名元質不見其姓又不著書人名氏其字畫亦可愛

其文云都望八山之始壇也此地名山封龍之類有八因

壇立廟遂爲號焉封龍山在今鎮州其餘七山不見其名

垂拱三年立

集古錄跋尾

刺史馮乂縣令蕭倓等禱雨有應修其廟而爲之記因列

時人姓名於後

集古錄目

正書隸額垂拱元年十月一日立今在縣舊城城角兒村

碑云披文相質方議雕鐫忽有得神古碑有額無頌規矩

裁制則光和碑之元偶也云云似漢碑本有額無文今此

碑製作甚古額上銳如圭形有穿在碑額下十五十六十七行第五第四格上惟漢碑有穿此刻疑卽漢碑原石字多漫漶蕭令不察遂謂漢刻無文及元質文成磨礪漢石刻之並題額亦遭剗毀耳

常山貞石志

口元質撰正書八分額垂拱三年

金石分域編

謹案金石錄目作垂拱元年十月立可證集古錄之誤分域編亦作三年者蓋據集古本編入故承其訛

張黑刀等造真容象碑

信法寺張黑刀等造真容象碑行書長安三年直隸元氏

寰宇訪碑錄

文云寺爲隋開皇三年所立舍利塔中有尊容象造於長壽二年丞尉簿而加以員外之目據唐書百官志太宗省

內外官定制爲七百三十員曰吾以此待天下賢材足矣
然是時已有員外之置其後又有特置同正員是所謂員
外者該內外官而言豈丞簿尉微員亦有特置同正員邪
郝知運是立碑之人碑立於長安三年距造象又十一年
矣

金石
萃編

行書有兩側長安三年七月十五日立今在雲起寺後題
趙郡李口襲纂碑稱周長壽二年壹月五日考舊唐書武
后本紀載初元年依周制建子月爲正月改舊正月爲一
月碑立時正用周正通典云員外官其初但云員外至永
徽六年以蔣孝璋爲尙藥奉御員外特置仍同正員自是
員外官復有同正員者惟不給職田耳其祿俸賜與正官
同單言員外者則俸祿減正官之半

常山貞
石志

行書篆額長安三年七月

金石分域編

碑左側題名

碑右側題名

皆正書

常山貞石志

兩側人名正書

金石分域編

李石頭妻造彌勒象記

字刻佛龕左楣正書記稱先天二年卽開元元年也先天

二年十一月改元開元象造於是年八月今在信法寺

常山

貞石志

開業寺石佛堂碑

孫義龍撰並書額題大唐開業寺石佛堂碑行書開元十

二年三月立今在縣西吳村開業寺東開業寺之興廢詳